



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.



Philosophical Transactions

Please note: Due to an error in the print volume, the page numbering in this article may contain either page numbering skips, or page numbering repetitions, or both. However, the article content is presented in its entirety and in correct reading order.

Please click on "Next Page" (at the top of the screen) to begin viewing the article.

I. *De Monsttris, quasi Monsttris & Monstrosis ; item de Serpentibus, &c. Philippensibus, ex MS. R. P. Geo. Jos. Camelli. Communicavit D. Jac. Petiver. Pharmacop. Lond. & S. R. S.*

1. **I** Ndi *Abayan* Uxor enixa est puerum A. D. 1695. 'in Vico Palo Insulæ Carigaræ *Bysaiarum*, facie *Testudinis Marinae*, & testæ ejusdem tessellis in cute expressis : Anno verò insequenti alterum similem dicto.

2. *D. Maria Quiros* enixa est *Mariam* post duodecimum, *Josepham* post decimum tertium, *Emanulem* post decimum quartum mensem, qui natus est bino dente. *Manila.*

3. *D. Elizabetha Guevana*, Gravida quotiescunque, menstruabat ac si utero non gereret, imò si tempore gestationis sanguis non mittebatur, inflata & tumens suffocabatur, & manibus pedibusque ex plethora paralytica fiebat, & demùm abortiebatur. Proles verò non obstante fluxu menstruo, & sanguinis missione enixa est 12, 13, & 14 mense, quadratos, & bene conformatos. *Manila.*

4. Uxor *D. F. Montenegro* enixa est puellum coloris *Æthiopis* ; obstetrix prudens suspicata malaciæ, aut picæ præcedentis effectum, rogavit num elapsis diebus aliquid appetierit, quod non concessum fuerit, & certior facta appetiisse paulo ante partum *Sardinas*, quas in ejus conspectu *Æthiopissa* edebat, tulit de *Sardinis* ossa & reliquias, & puerulo os reficuit, & sine morâ color adustus in candidulum transmutatus est. Hic diem ætatis virilis, ex vehementi animi passione, & conflictu, unicâ nocte omnino incanuit. *Manila.*

5. *Pueros tres vivos peperit uno partu in Suburbio S. Crucis A. D. 2699. Sino-Inda.*

6. *Æthiopes tres vivos peperit uno partu & Æthiopissa Ana A. D. 1692. Mayhalique.*

Monstra quæ existerant A. D. 1700. in Insula Catanduan.

7. *Joannes de Flores*, Vir cæterum bene formatus, monstruosa habet *Brachia*, quæ vix non crassitudinis sunt *Femoris*, Manus verò digitis ferme triplo longiores ordinarijs, in quibus tres digiti medij coaluere.

8. *Martinus Suniga* Puer a nativitate mutus, laborans antipathia *Anri*, ad cujus præsentiam miserrimè convulsionibus torquetur, ad inaurata verò non patitur.

9. *Puella*, cui *Mammæarum* loco propendent gœna usque duo quasi carnea forcimina, æqualia ab exortu usque ad extremum.

10. *Martina*, Puella ventriloqua, sentit internè sæpissimè quod nec ipsa explicare valet, & tunc immota illa, vox interna distincta, & tenuis, loquitur & respondet varijs linguis. *Dæmon* illusor esse videtur, sacris exorcismis non paret, sacras recitat Orationes, illa ipsa vox interna Puellæ non est damno; futura, & ignota, alia prædicit, alia nescit.

11. *Vacca Hermaphrodita Indis Talos*. Homines androgynos *Binabaye* vocant & *Binoje*.

12. *Vitulus* domi *D. Francisci de Quiros* natus unicornis: Cornu est Bovinum, sed rectum de medio frontis exiens: Facies nec benè Vituli, nec benè Hinnuli. *Equos* verò *Insula* non alit.

13. *Albinam*, Hispanis *Albinno*, vidi *Manilæ*: erat Puella decennis (proles *Morenarum* parentum, qui coloris sunt fuliginosi, sed capillitio protenso) albedinis extraordinariæ & insolitæ in admirationem trahentis, & monstruosæ, capilli aureoli, solem ac lucem invitè ferens. Causam vulgus non phantasiæ sed Lunæ influxui tribuit.

14. In

14. In *Mindoro* Insula vico *Camaron* Nigrita primo partu enixa est puerum unum, secundo geminos, tertio trigeminos, & nunc A.D. 1700. utero gerit.

15. *Homines caudatos* reperiri ferunt in Mediterraneis *Paynan*.

Ex Historia *Bysaiarum* MS. Ignatij Alzinæ.

16. In Vico *Tubig* Provinciæ *Pictorum*, Uxor Indi *Pacaton*, eodem partu post enixam puellam, peperit & *Crocodilum*, longitudinis cubitalis, quem maritus recisa caudæ parte in fluvium projecit; hic dein ferme omni nocte fluvium egressus sub domum veniebat, imò transmigrando post biennium in alium vicum distantem duobus miliaribus, uterinam Sororem Frater *Crocodilus* sequutus fuit. Tandem Sororem fugientem ab invito Fratre in cæto miliaribus distantem vicum *Borongam* frater sequutus est; post 31 annum verò adhuc vivebat uterque, imò multoties *Aprôs*, *Cervos*, *Testudines Marinas*, aut *Pisces* majores Sorori noctu ad domum defererebat. *Ign. Alzina Lib. 1. cap. 9.* H. Byf. MS. In vico *Calviga* Provinciæ *Bysaiarum*, Inda enixo puero sano & bene disposito enixa est & *Serpentem*, longitudinis sesquipalmaris, crassitie digitalis, rubrum a capite ad medium, a medio usque in caudam nigrum, squamis relucens, qui pro tunc defugit, & latuit; die verò tertiâ, & postea multoties inventus fuit ad latus Pueri, ita ut mater coacta fuerit aliò transmigrare, ut puerum à persecutore fratre Serpente liberaret. *J. Alz. l. 3. c. 12. MS.*

18. Gigantes *Tuia* vocant; extitisse in *Igbabaa*, cum Uxore & Filiis, nomine *Morongboronga*, constans est fama.

19. Alium in *Gimasava*, nomine *Pufung*.

20. Gigantum tibie inventæ fuere in *Bulilacu*, circumferentiæ duarum spithamarum, longitudinis Orgyalis.

21. Exi-

21. Existere in hodiernum in montibus Mediterraneis *Caraga*, & in insulis jacentibus contra caput *Sancti Augustini* ubi visi sunt. In montibus *Gigantum* inter & *Borongar* inventa sunt vestigia pedum triplò majora hominis ordinarij.

22. *Pygmaeos* non Monstruosos sed benè formatos vocant *Bongan* & *Malypoto*. Hi cubitales interfecere Gigantem *Pusung* in *Calviga*.

23. Circa vicum *Bislic*, Insulae *Mindanao* venatores invenerunt Puellam spithameam, vagientem, benè dispositam, quæ baptizata die tertiâ expiravit. Visi sunt sæpius in desertis & ab alijs non inhabitatis Insulis *Siargao* & *Miargao*.

24. *Pygmaeos* defectuosos, seu Monstrosos vocant *Munti Suman* & *Pandacan*, Hispani *Enanos*. Maglonos *Panbubanus*. Altitudinis erat quinque spithameæ, benè proportionatus, verùm Monstruosè quadratus. Balico *Tambucensis* ejusdem staturæ, impropportionatus, sed robustus & magnarum virium.

25. *Dulacensis* corpore pueri Sexennis, gracilis vixit annis 40, *Manile*. Ubi nunc mas unus, & duæ foeminae.

26. In colonia *Panayensi* ex parentibus *Indis*, staturæ proportionatæ nata & baptizata est Anno 1685. Pigmea nomine *Anna*, non monstruosa, sed benè conformata & & proportionata quæ Anno præsentis 1703 vivit & altitudinis est palmi unius & trium digitorum, loquitur, & omnes rationales obit functiones, vivit cremore *Oryzæ* cui cum habetur additur *Semen Cucurbitæ*. Prior *Panayensis* R. P. *Josephus Trepad* parentes unâ cum Pigmea filia proxime *Manilam* deducere tentaverat, sed hac de causa sublevata Provincia ferè hostiliter resistit, Parentes verò cum filia in montes profugere, ubi in hodiernum cum *Indis* necdum reductis degunt, & quo Hispani hocce Naturæ miraculum videndi gratia sese conferunt. Hæc ex relatione *Emanuelis Rodriguez de Leon* qui supradictæ P. Priori *Panayensi* convixerat.

27. *Indus* viginti quatuor digitorum.

28. *Indus* alius, digitis carens, habens eos in Pedibus.

29. *Indus* alius, carens digitis in Pedibus habens eos in Manibus.

30. *Indus* alius, excepto pollice, reliquos habet concretos.

31. *Catao* Monstrum est Marinum Tritonium, formæ *Hominis*, quorum unum Mortuum inventum fuit Masculum. Voces vero, & Ejulatus eorum sæpius audiuntur, & ipsa non raro visuntur circa Insulam *Dinacat*, qui inter *Leyte* & *Mindanao* sita est, ex vestigiis luto impressis, & emortui forma constat inter divaricatos Manuum, & pedum digitos Membras habere *Anatum* modo.

32. *Ognima* & *Talonganum*, Indi vocant Monstra Figuræ humanæ pilosa, fera & terrifica. Visa sunt ut refert *Alphonsus de Mentrída* Anno 1599. & 1600. multa, in montibus *Provinciae Ybabay* & *Aclan*, formæ Satyrorum, Faunorum & Silenorum.

33. *Onglo* & *Tigbalan*, Nescio quid Spectri, formæ *Æthiopis*, staturæ *Giganteæ*, muties puellas & pueros in Deserta abducens. Qui reduces, vel casu inventi, quasi terrore panico perculsi ad omnia stupent, & attoniti hærent.

34. *Additamentum in adnotationes* de Monstris quas tibi Anno elapso Mens. Octobri misi.

35. Monstrum *Philippense* Centauri facie GAZ. NAT. Tab. 45. fig. 4.

Monstrum *Catbaloganum*, enixa est Mulier *Tinampay* vocata, Anno 1678. Vixit circiter horæ quadrantem, & extinctum est. Multiforme erat & terribilis visu formæ: *Rostrum* erat quasi *Ardeæ*: *Vultus* & *Aures Cervi*, *Collum* longum *Cervinum* & pilorum loco setis *Equinis* hirtum, *Dorsum* & *Pectus* & reliquæ usque in lumbis *Hominis* erant, sed confitis plumis variarum cognitarum *Avium*; *Brachia* & *Manus* prouti & crura trium juncturarum, digiti

Ma-

Manuum *Cercopitheci*, unguum *Felis*, aut *Falconis*, & digitos inter, Membranæ intergerrinæ ut pedum *Anatis*, Nates conchæ Testudinis Marinæ modo maculosæ tessellatevè: Fœmora & crura Cervina in bifurcas ungulas desinentia, verum pilo vario, variorum Animalium ut Equi, Vaccæ, Cervi, Felis, Canis, *Sauræ*, Muris Vespertilionis & aliorum, quas interpolatim refarcita. Communicavit *Franciscus* de la Zarza qui vivum vidit eadem confirmat *D. Franciscus* de *Aluaga*, qui eo tempore illam provinciam administrabat, & mortuum vidit. Addendo *Iudum* ex quo dicta Mulier conceperat fuisse Magum.

36. *Manila* Anno 1693. in domo *Joannis* de *Mena*, Scrophia peperit nephrendem cui aures majores *Equinæ*, vultus sepidus, ridiculæ vetulæ, nates in longam *Elephantinam* proboscidem protensæ.

37. Puer *Baclayonensis* *Boholanus* Anno 1700. Ostentis erat, Gigas futurus, si infantiam, & corporis proportionem, & vires spectamus. Triennis siquidem uno prandio 4 & 5 lagenas *Tubæ* ebibebat, Succus est ludæo vinosus *Nucis Indicæ Cocci*, & tantum radicis *Ube* assæ, aut coctæ, est species hujatis *Batetæ*, edebat, quantum senis robustis *Iudis* dapsiliter sufficeret. Vires proportioni corporis, & copię nutrimenti correspondent, jocando etenim & ludendo domus Indorum tametsi columnationis fortissimarum arborum, nutare & contremiscere facit. Scripsit *F. Antonius* de la Zarza, qui puerum vidit.

38. *Draco* cristatus, alatus tetrapus. GAZOPH. NAT. GAZ. NAT. Tab. 85. Fig.
Tab. 85. Fig. cum Anno 1703. 23 Martii cum *R. P. Joachymo Assin*, & aliis circiter 20 itineris Sociis per æstuarium *Panayense*, Capis versus veneremur, obviam habuimus in ipso æstuario littore saxo incumbensentem Draconem formæ sequentis, Longitudinis erat prope *Orgyialis*, altitudinis unâ cum pedibus & spinæ dorsi crista duobus dodrantibus majoris, crassitudinis fœmore amplioris. Caput habebat *Leoninum*, album oculorum coloris xerampelini, iridem

sulphuream, pupillam aterrimam; *Labium* inferius flavo-pallescent, supernum lutescent: *Fauces* tingentes duobus candicantium dentium ordinibus stipatas, *Linguam* rubentem. *Pectus* erat amplum, & corpore torosius: *Alæ* binæ & corporis trunco longitudine suppare, membranaceam *Vespertilionum* modo, in extremis lunatim angulosæ atq; plumatim nigro, viridi, xerampelino, & flavo picturata. Corporis potior pars viridi colorata: *Dorsum* a collo usq; in caudæ exordium, angulosè, palmam alta, membranacea, nigra & ad summities carneolè rubente cristâ alarum. Tergi latera usq; ad caudæ medium intercurrentibus lineolis albis, majusculè seu Conchæformiter maculosa, maculis intervenientibus strijs nigerrimis in tæniâs flavas, virides & xerampelinas, desinentibus variegata. *Venter* nigro & albo striatus erat. *Pedes* quatuor, curti quales sunt *Galli*, proportionatè crassi, verum quilibet tribus albis & aduncis unguibus, duobus antrorsum & uno retrorsum reflexo, donatus. *Cauda* crassa, obtusa, bipalmaris & quasi conchis aut squammis nigris & virentibus commaculata. Hæc pariter ex relatione *Emanuelis Rodriguez* de *Leon* Pictoris eminentis, qui vidit, narravit & *Iconem* exhibuit: Eadem confirmant & *Socij*.

De Serpentibus, Viperis, Scolopendris, Julis, &c.

39. *Pangavafum*. -Serpens coloris terrei, ad ventrem flavus, mortiferus; *Remedium* rad. Arboris *Pangavason*.

40. *Ibingan*. Viperâ mortifera. *Remedium* reticula *Salagsalag*.

41. *Dumorogonon*. Serpens aterrimus, ventre cinereus, terrociſſimus quandoq; crassitudinis fæmoralis.

42. *Mamlalaiog*. Coluber variè picturatus, venenatus, & perniciosus: Velocissimè saltuatim progreditur, volare diceret, capite erecto, & majore parte corporis erecta.

43. *Tigu*. Serpens, degit in Aqua & Terra, de quo narrant, quod ictus si auxilium petat, venenum in illo qui icto respondit transeat: Ut de aliis quod Venenum eorum per baculum quo percussi fuerunt, transeat in Brachium.

44. *Olopong*. est Serpentum genere habetur pro venenocissimo. *Vipera* Major Hispanâ.

45. *Dajondubu*. *Serpens* viridis, coloris foliorum *Cannæ Sacchariferae*.

46. *Talboftabo*. *Serpens* viridis venenosissimus.

47. *Dajon palay*. *Serpens* virens coloris foliorum *Orizæ*.

48. *Patongayta*. *Vipera* ex nigro varia.

49. *Tacquib*. *Serpens* aquaticus, furdaster innocuus.

50. *Tuna Bys*. *Udtu Tag*. *Vipercola* est semper sub terra degens, magnitudinis Lumbrici terrestris, sed gracilior vivissima, mille gyris ac rotationibus quàm ocissime sese subducens, coloris fulvi & splendidantis; oculos nec Microscopio deprehendere potui: Demorsis somnum inducere ferunt.

51. *Dapung*. *Vipera* species *Tunæ*, coloris atro virentis, crassitudinis digitalis, longitudinis spithameæ, magno & improporcionato capite, perniciosissima.

52. *Buracan*. *Vipera* species *Tunæ*, coloris virentis *Buracan* crassitudinis digiti auricularis brevis, tarda & pigra, minùs perniciosa quam *Bupung*.

53. *Calapiun*. Squammis nigris & flavis variata, venenosa & tardigrada.

54. *Bayo Vipera* a cujus ictu mortifero, oculi & saliva seu spuma virent, ut succus Herbarum.

55. *Ottohan Vipera* parva, tenuis, variè picturata, species *Ibingan*; Mortem inferens ictu ante solis occasum. *Remedium* Excrementum Hnmanum epotum. Ictus per noctem computescit, ut mane non nisi in partes distractus tolli possit. *Indus* ab ea ictus, evasit devorata dimidia

dimidia reticula *Salagsalag*. Pariter & *Inda* ab ea demorsa sanata est devoratis binis reticulis *Salagsalag*.

56. Ongor *Vipera* omnium venenosissima.

57. Taligatos *Vipera* alia.

58. Viperulam in ovo Galli formatam invenit *Laurentius Pais Sagareni* Anno 1699.

59. Antonius *Ruizius* de Montoya in *Historia de Paraguay* scribit Serpentes transformari in Arbores & lapidibus aglutinari.

60. De ortu *Guajaci* ex Scarabæo vid. l. 3. p. 94.

61. Nec *Scandovalium*, nec *Montoyam* legi, ita mihi retulere qui hæc in eis legerunt. *Encalada & Merino*.

62. Cornu fragmentum spithameum, & digitos novem crassum vidi apud *Antonium Borjam* à quo dimidium dono habui, erat autem rectissimum, proportionem servatâ tricubitale ad minus, non in gyros retortum, ex tereti quasi obtusâ triangulare, solidum, & quasi pellucidum, coloris & ponderis cornu *Rhinocerotis*, subluteo fusci non nigri. an Unicornu verum.

63. Pro Cornu Serpentis dono habui Anno 1699. a D. *Emanuele Arguelles* ex Insula *Talim*, quæ est *Iacus Bay*, alatum; Cornu pyramidale, sesquiunciale, & fere unciam latum parte sessili, album & quasi osseo-lapidum, solidum & ponderosum, & quod ni fallor cute obtectum fuit, ob subtiles strias supernè subasperum, inferne læve, ad latera ad unum latus inclinatis modicis binis prostantijs oblongis modicum angulosum. De hoc D. *Bened. Carasco* retulit se in chartis MS. legisse valere ad hæmorrhagias & signum legitimum Cornu Serpentis esse, si superpensum aquam dividat: Oblatum nil tale pateat. *Hieronymus Mercurialis* de signis veneni presentis scribit, Cornu Serpentis si teneatur in Mensâ, quo tempore venena adsunt, dicunt secretâ quadam Naturæ conditione protinus sudare &c. *Laurentius Forenus* in *Viridario Philosophico*, titulo *Sympathiæ & Antipathiæ*,
Mer-

Mercurialem citans scribit, signa veneni prognostica ; *Cornua Serpentis*, vel *Lingua* ejusdem sudet præsente veneno &c. de lingua *Mercurialis* nihil. An *Forerius* de lingua intelligat *Glossopetras* *Militenses* ? Vid. G A Z O-
 P H Y L. N A T. & Artis Tab. 9. Fig. G A Z. N A T.
Tab. 91. Fig.

64. *Alipihin*, *Olahipan*, vel *Lahipan* vel *Olalaipan Indorum*, est *Scolopendra terrestris*, *Hitpan*. *Cientopies*. Non tamen 100 sed 50 tantum habet pedes ; Est illa quam *Matthiolus* depingit *Constantinopoli* alatham : Corpus & pedes flavescent, articulatae incisiones in dorso nigrae sunt, corpus cum mystacis ex croceo rubent. Morfu dolorifica est, & male curabilia causat ulcera, à quibus præservat *Amomum* legitimum *Dioscoridis* ; Masti-
 catum & impositum ; cauterium actuale, *Allium* affricatum, & rasura *Ligni Molavin* imposita ; quandoque digitum auricularem crassa & spithamâ longior visitur, fusco, luteo, rubente, & viridante variat colore.

65. *Atipapalo* vel *Campopalo Indorum* est *Scolopendra Millepeda noctilucens*, ut *Cicindela*, seu *Noctiluca Brueri*, *Oviedi* & *Cordi*. Teres est, Coloris cyaneo viridescens, multipes ; Equos mactat, si in pabulo devoraverint.

66. *Scolopendra terrestr. ducentipeda*. Spithamea est, tenuis, coloris lutei, capite fusco, corniculis geniculatis, & acutâ forcipulâ armato, oculos nec Microscopio observavi. G A Z O P H. N A T. & A R T. Tab. 79. G A Z. N A T.
Tab. 79. Fig. 1.
 fig. 1.

67. *Cacaluy Indorum*, est *Julus Æneus*, *Millepeda* seu *Scolopendra Rondeletij*, dum capitur sese in spiram convolvens : *Juli* cremati pulverem mirifice urinam provocare refert *Merula*. Julorum humor cum cruore ex oniscis expresso, ad albuginem oculorum tollendam, divinum & efficax remedium.

68. *Julis Luzonis alter.* Minor est priore seu æneo, coloris castanei, circulis seu annulis magis gibbosis, ad magis prostantes, & villosos flaventes pedes, lunatis & flavis maculis pictus, nec ita prompte in spiram convolubilis.

69. *Bajur Indorum*, est *Julus maximus innocuus*, seu *Scolopendra terrest. maxima Mouffet.* (Scolopendram vero titulo *Hypocompi* delineat,) in spiram sese convolvens, ut priores, quem cœpi in Sylvis *Silani*, palmo longior erat, pedibus innumerabilibus flavis, gressu undas referentibus, corpore nigro & rubro striatim transversimque variegato. Reperitur & crassitudinis digiti Indicis. Noctu strepitum edit *Gryllo* magis sonorum.
